

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 12/03, 34/03 i 65/13), člana 5. Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Kladanj („Službeni glasnik Općine Kladanj“, broj: 10/13, 7/19 i 7/23), u postupku imenovanja na upražnjene pozicije u reguliranim organima Općine Kladanj, Općinsko vijeće Kladanj, objavljuje

## **JAVNI OGLAS** **za imenovanje na upražnjenu poziciju** **u reguliranom organu Općine Kladanj**

**I Objavljuje se Javni oglas** za izbor i imenovanje na upražnjenu poziciju u reguliranom organu Općine Kladanj, Javna ustanova Centar za socijalni rad Kladanj za 1 (jednog) člana ispred osnivača

### **II Opis pozicije: Upravni odbor**

- donosi pravila i druga opća akta ustanove,
- donosi godišnji program rada ustanove,
- utvrđuje planove rada i razvoja ustanove,
- na propisan način donosi odluku o statusnim promjenama na koje je data saglasnost i prijavljuje njihov upis u registre,
- imenuje direktora ustanove,
- rješava po zahtjevu o upravnoj stvari iz svog djelokruga,
- rješava o žalbama kao drugostepeni organ,
- rješava sva pitanja odnosa sa osnivačem,
- obavlja i druge poslove utvrđene zakonom, aktom o osnivanju i pravilima ustanove.

### **III Standardi i kriteriji: Kandidati trebaju ispunjavati sljedeće opće uslove:**

1. da su državljani Bosne i Hercegovine,
2. da su stariji od 18 godina, ali ne stariji od 65 godina,
3. da su zdravstveno sposobni za obavljanje poslova na koje se kandiduju,
4. da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog oglasa,
5. da nisu osuđivani za kazneno djelo, koje predstavlja smetnju za imenovanje na upražnjenu poziciju u roku od 5 godina od dana izvršene, izdržane, zastarjele i oprostene kazne,
6. da nisu kažnjavani iz oblasti privrednog prijestupa i da im nije izrečena zaštitna mjera zabrane vršenja poziva, djelatnosti i dužnosti,
7. da nisu pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
8. da nisu članovi organa zakonodavne, izvršne ili sudske vlasti ili savjetnici u smislu Zakona o sukobu interesa u organima vlasti Federacije Bosne i Hercegovine („Službene novine Federacije BiH“, broj 70/08),
9. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine F BiH“, broj: 12/03, 34/03 i 65/13),
10. da nemaju privatni finansijski interes u reguliranom organu u koji se kandiduje.

### **IV Pored općih uslova kandidati za člana upravnog odbora treba da ispunjavaju sljedeće posebne uslove:**

1. da imaju visoku stručnu spremu VSS/ VII stepen, odnosno završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ETC bodova) ili višu stručnu spremu.,

2. da imaju najmanje 1 godinu radnog iskustva nakon sticanja visoke stručne spreme VSS/VII stepen, odnosno završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ETC bodova) ili više stručnu spreme,
3. da nisu članovi upravnog ili nadzornog odbora drugog reguliranog organa, a ukoliko jeste član drugog upravnog odbora odnosno nadzornog odbora, kandidat će dostaviti ovjerenu izjavu da će po konačnom imenovanju odstupiti sa pozicije u roku od sedam dana od dana imenovanja,
4. da kandidati posjeduju sposobnost za savjesno, odgovorno i odlučno obnašanje pozicije (dokaz: ocjena sa intervjuja),
5. da kandidati posjeduju sposobnost nepristrasnog donošenja odluka, komunikacijske i organizacijske sposobnosti (dokaz: biografija i ocjena sa intervjuja),
6. da nisu dioničari sa 50% ili više dionica, direktori ili članovi uprave bilo kojeg dioničkog društva kao i vlasnici sa 50% i više vlasništva, direktori i članovi uprave bilo kojeg društva sa ograničenom odgovornošću.

**Uz prijavu na javni oglas kandidati su dužni priložiti:**

- kraću biografiju,

- adresu stana,

- kontakt telefon,

- dokaze o ispunjavanju općih i posebnih uslova iz javnog oglasa:

1. uvjerenje o državljanstvu,
2. izvod iz matične knjige rođenih,
3. ovjerena fotokopija diploma o završenoj školi,
4. potvrda o radnom iskustvu nakon sticanja više ili visoke stručne spreme,
5. uvjerenje/potvrda da nisu osuđivani za kazneno djelo, koje predstavlja smetnju za imenovanje na upražnjenu poziciju u roku od 5 godina od dana izvršene, izdržane, zastarjele i oprostene kazne,
6. uvjerenje/potvrda da nisu kažnjavani iz oblasti privrednog prijestupa i da im nije izrečena zaštitna mjera zabrane vršenja poziva, djelatnosti i dužnosti,
7. ovjerena izjava/potvrda da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od tri godine prije dana objavljivanja javnog oglasa,
8. ovjerena izjava da nisu pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
9. ovjerena izjava da nisu članovi organa zakonodavne, izvršne ili sudske vlasti ili savjetnici u smislu Zakona o sukobu interesa u organima vlasti Federacije Bosne i Hercegovine („Službene novine Federacije BiH“, broj 70/08),
10. ovjerena izjava da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH („Službene novine F BiH“, broj: 12/03, 34/03 i 65/13),
11. ovjerena izjava da nemaju privatni finansijski interes u reguliranom organu u koji se kandiduje,
12. ovjerena izjava da nisu članovi upravnog ili nadzornog odbora u nekom od reguliranih organa Općine Kladanj,
13. ovjerena izjava da nisu dioničari sa 50% ili više dionica, direktori ili članovi uprave bilo kojeg dioničkog društva kao i vlasnici sa 50% i više vlasništva, direktori i članovi uprave bilo kojeg društva sa ograničenom odgovornošću

Mandat člana Upravnog odbora imenovanog po ovom Javnom oglasu će trajati do 03.11.2029. godine sa mogućnošću ponovnog imenovanja u skladu sa zakonom.

Imenovana osoba ima pravo na naknadu za rad u skladu sa odlukom Općinskog vijeća, odnosno općim aktima preduzeća i ista će se isplaćivati iz sredstava Ustanove.

Dokumenti koji se prilažu uz prijavu za oglas moraju biti originali ili ovjerene kopije, ne starije od šest mjeseci.

Neblagovremene i nepotpune prijave neće biti razmatrane.

Svi kandidati koji ispunje uslove iz Oglasa se pozivaju na intervju.

Krajnji rok za podnošenje prijava na Oglas je 15 dana od dana posljednjeg objavljivanja Oglasa. Kandidati zaposleni u organima državne službe koji uđu u uži izbor i budu pozvani na intervju, prilikom obavljanja intervjua dužni su priložiti rješenje kojim je kandidatu data pismena saglasnost od strane rukovodioca organa državne službe za obavljanje dopunske djelatnosti. Ljekarsko uvjerenje kandidat dostavlja ustanovi / preduzeću ukoliko bude izabran na poziciju iz Oglasa.

Na odluku o konačnom imenovanju prigovor se podnosi Općinskom vijeću u roku od 7 (sedam) dana od dana donošenja odluke, a kopija se dostavlja Ombudsmanu za ljudska prava u Federaciji BiH.

Prijavu sa potrebnim dokumentima treba dostaviti lično ili preporučeno poštom **na adresu:** Općina Kladanj - Komisija za provođenje procedure za imenovanje na upražnjene pozicije u reguliranom organu Općine Kladanj, Kladanjske brigade broj 1. 75280 Kladanj, sa naznakom "**Prijava za javni oglas - ne otvarati**".

**OPĆINA KLADANJ**  
**OPĆINSKO VIJEĆE**  
Broj: 01-04-1395-1/26  
Kladanj, 24.04.2026. godine

**PREDSJEDAVAJUĆI**  
Općinskog vijeća  
**Nedžad Hodžić**

